

STUDENSKI EKONOMSKI FORUM „EFICON“

Od 10.05. do 12.05.2017. godine studenti Ekonomskog Fakulteta Brčko su bili učesnici studentskog ekonomskog foruma „EFICON“ u Tuzli. U Plavoj sali BKC-a održan je dvodnevni forum koji je okupio mlade i ambiciozne studente iz Srbije, Crne Gore, Hrvatske i Bosne i Hercegovine.



Studentima su poželeli dobrodošlicu, predsjednik ASEF-a Ammar Mešić, zatim dekanesa Ekonomskog Fakulteta Univerziteta Tuzla Ermina Smajlović, rektor Univerziteta Tuzla Zumreta Kušljugić, kao i ministar obrazovanja, nauke, kulture i sporta u Vladi Tuzle Zlatan Muratović, te i sam premijer Tuzlanskog kantona Bego Gutić.

Nakon koktela dobrodošlice uslijedilo je potpisivanje sporazuma između Saveta studenata Ekonomskog Fakulteta Brčkog i Ekonomskog Fakulteta Tuzla koji je potpisao naš student Edin Bečić. Saradnja se temelji na organizaciji zajedničkih projekata, foruma, seminara i mnogih drugih aktivnosti koje mogu doprinijeti razvoju kako našeg fakulteta tako i samih studentata. Pored Edina forumu su prisustvovali i Josip Bošnjak, Vladimir Kanostrevac, Kenan Kladjaković, Vedad Selimanović i Aida Omerhafizović.

Za kraj prvog dana studenti Ekonomskog Fakulteta Tuzla svojim kolegama su priredili jednu opuštenu studentsku žurku gdje su se svi studenti uz lijepo druženje zabavili.

Drugi dan je započet predavanjem na temu „Osiguranje kao sastavni dio života“ koje je održao, direktor „Wiener osiguranja“, Mladen Komarica gdje je objasnio koliko je osiguranje prije svega bitno i koliko je korisno.



Nakon ovog predavanja uslijedilo je predavanje na temu „Self-branding nije samo #Selfie“, a održao ga je CEO of UpTrend Marketing Solutions, Kamal Balihodžić koji je govorio o internet marketingu, video produkciji, kreativnom dizajnu i branding.

Poslije gospodina Kemala riječ je dobio, profesor Ekonomskog Fakulteta Tuzla, prof. dr Edin Osmanbegović koji je održao predavanje na temu „Mjerenje indeksa inovativnosti“.



Predavanje na temu „Komunikacija u EU projektima“ održala je, direktorka marketinške agencije „Boram“, Samra Lučkin. Zadnje predavanje na ovom forumu je održao, direktor i vlasnik „Leftor“ Tuzla, Kristijan Smiljanić koji je govorio na temu „Potencijal IT industrije“.



Studentima su se još obratili i Goran Miraščić ispred Vlade Tuzlanskog kantona, Adis Arapović ispred CCI-a i Sabina Donlagić-Alibegović ispred Ekonomskog Fakulteta Tuzla.

O značaju EFICON-a govorio je i Josip Bošnjak, student Ekonomskog fakulteta iz Brčkog, koji je istakao važnost ovakvog događaja radi umrežavanja studenata ekonomije iz regije i rješavanja trenutnih ekonomskih problema zajedničkim snagama.

Poslije čega su uslijedile dvije radionice na temu „Koja si vrsta lidera“ i „CV i prvi razgovor za posao“ gdje su studenti na zanimljiv i kreativan način naučili puno korisnih stvari. U sklopu radionica je bila organizovana i žurka sa studente, kako bi se studenti bolje upoznali i ostvarili kontakte.

Bila nam je velika čast da prisustvujemo ovom forumu i veliko hvala organizatorima na pozivu, ono na šta smo mi ponosni jeste sama organizacija foruma koja nas je dodatno inspirisala da i mi u Brčkom organizujemo studentski forum.